


Bast gemacht/daran zedell gebundē seindt / die anzeigendt der lachtern zal: ge
brauchē auch ein Compas / 8 in bequem ist / dan er hatt kein wechsenen circell /
sonder an jhr statt / haben sie ein zedell in der handt / in welchen sie ein jettliches
teill des Compas schreiben / der zū hinderst auff den stab ist glegt / welchen das
zünglin vñ außgestreckte schnür / welche durch seine drey löcher ghet / anzeigēdt
vñnd zeichnendt die zal der lachtern. Eben mitt disem zünglin zeigt er an / eb
die schnür am forderen oder hinderem teill wancke. Aber es ist kein hangende
schnür / wie in der wag / sonder an Compas gehefft / in welchem es ligt: die stol
len aber vormessen sie darumb / das sie wissen mögē / wie viel lachtern sie tieffer
wordenn seindt / wie viel lachtern der vnderer von dem oberen seye / wie viel la
chtern die weitte darzwischen so noch nicht durchhauwen / vnder den heurwert
seye / die im gegendumb eben einem quārgang oder quārklufft / oder zwen / de
ren eine in den anderen feller / außhauwendt.

Des Compas zeiger A. Sein zünglin B. Des zünglins löcher C. D. E.



Aber ich kome widerumb zū vnseren grübē. So der marscheider in den stollē
oder felorten will 8 massen margt setzen / vñ ein stufen schlahē / wie der Bergk
meister